

Tulafono Laiti o Uiga Faaalia mo Sui Komiti Faatonu Aoga a le Malo

Tuuina atu e le Minisita o Aoga i lalo o le fuaiupu 166 o le Education and Training Act 2020 e faatatau i sui o komiti faatonu aoga a le Malo.

E mafai e komiti faatonu taitoatasi mo aoga na faalauaitele tulaga moomia maualalo o le tulafono laiti lenei e puipuia ai le tulaga faapitoa/ tulaga ese/ tulaga taualoa o le Te Aho Matua ma nisi o tulaga ese o le aoga po o tagata.

Faatino galuega e ausia ai sini autu

O le auga tonu na faavae ai komiti faatonu mo aoga uma o le faafoeina lea o le aoga. E tusa ma tofiga e avea ai ma sui o komiti faatonu, e tutusa faamoemoega o sui auai uma, e pei ona folasia i le fuaiupu 127 o le Education and Training Act 2020, e aofia ai le faamautinoaina o le faamamaluina e aoga o le Te Tiriti o Waitangi. E le mafai na ausia sini autu nei e aunoa ma se sao o mātua/tagata o tausia tamaiti, aiga, iwi, hapū, tagata, ma tamaiti aoga.

Matou te faatinoa ma faaalia uiga e atagia ma faalauiloa ai faamoemoega tutusa ua autasi i ai.

1. Ou te galue ma le faamaoni	Ou te faatinoa tiute i tulaga sili ma le sa'o lelei ua tofia ai a'u, e aofia ai le galue ma le faamaoni, talatala manatu, tali atu, ma le faatuatuaina.
2. E talafeagai ma sa'o la'u tali atu e tusa ma tu ma agaifanua	Ou te le faia pe ou te lagolago malosi i se faiga e faailoga ese ai se tagata, po o ni uiga e faapito au ai i se tagata, aemaise i se tagata taitoatasi, vaega, faasinomaga po o mataupu o aiaina.
3. Ou te taumafai malosi e faalauiloa tulaga tau saogalemu mo le aoga	Ou te faasa'oa uiga le taualoa ua ou vaaia. Ou te le manatu māmā i atugaluga uma ua faaalia. Ou te lagolagoina faiga e le noatia ai le faaali o manatu o le aufaigaluega, tagata ma tamaiti aoga uma.
4. Ou te tausisia le va fealoai ma sui o le komiti ma faatino galuega e tusa ai ma le faavae o le aoga	Ou te tausisia faiga faavae ma tulafono a le komiti faatonu. Ou te tausisia le va fealoai ma sui o la matou komiti, e oo lava i tulaga e feeseseseai ai. Afai ua avea a'u ma sui o le komiti faatonu o se aoga faapitoa po o se aoga sa avea ma aoga tumaoti o le a ou tausisia le faia o galuega e atagia ai le faavae o le aoga. Ou te tausisia le faia o galuega e tusa ma le faavae o le Te Aho Matua o i lalo o le faamalumaluga o Kura Kaupapa Māori Te Aho Matua.
5. Ou te amanaia le faagasologa e saili ai se faaiuga autasi	Ou te malamalama e na o le sui ua tofia e le komiti faatonu e avea ma fofoga taumomoli o le komiti faatonu. E le mafai ona ou faia toatasia se mea e faatū ese ai mai faaiuga a le komiti faatonu.

6. Ou te tausisia le va fealoai ma le aufaigaluega, tamaiti aoga ma tagata	Ou te tausisia le va fealoai ma le puleaoga, aufaigaluega, tamaiti aoga, ma tagata o galulue tauofo, faapea sui o le aoga.
7. O la'u matafaioi le atiae o lo'u malamalama i la'u galuega ua tofia ai a'u	Ou te tuu avanoa i polokalame e atiae ai tomai faafaigaluega, e aofia ai le Te Tiriti o Waitangi ma pulega lelei.
8. Ou te le soona solivale le va ma tagata	Ou te galue faatasi ma isi sui o le komiti faatonu ina ia moni le agaga o fesootai ai ma tagata uma o lagolagoina le aoga, e aofia ai aiga, tagata Māori, iwi ma hapū, ma e faia le mea e sa'o, e le faaituau, e faataunuu i le taimi e tatau ai, ma e faaeteete i tulaga e eseese ai tagata ma manatu auā le taupuleina o faaiuga e faia e le komiti.
9. Ou te faaali manatu e fai ai a'u ma sui o tamaiti aoga uma	Ou te faamuamua le soifua manuia, tulaga lelei ma taunuuga e fia ausia e tamaiti aoga, ma e le avea o'u talitonuga po o mea ou te aiaina e afaina ai fua tulaga nei.
10. Ou te sau sauni	Ou te sau sauni i fonotaga a le komiti faatonu ma gauai atoa i taupulega o fia fai.
11. Ou te faaaoga tatau le tulaga ua tofia ai a'u	Ou te tausisia agatapuia pe a ou maua faamatalaga e le patino i le mamalu lautele i le vaitaimi o avea ai ma sui i le komiti ma e na o tulaga na faamoemoe i ai e faaaoga ai. O a'u o le sui vaaia o le aoga ma ou te le faalauaiteleina faamatalaga e ono afaina ai le aoga. Ou te le faaaoga sese le aoga po o mea o aiaina e tagata lautele e maua ai so'u lelei.
12. Ou te le sailia ai ni a'u mea lelei po o mea ou te manao ai	Ou te tausisia tulafono e faavae i ai la matou komiti faatonu e tusa ma ni meaalofa po o taui faameaalofa. E leai ma se taimi ou te sailia ai ni a'u mea lelei, po o mea ou te manao ai, mo lo'u aiga po o isi ou te iloa lelei.
13. Ou te le lagolagoina se talitonuga faaupufai e tusa ma la'u galuega ua tofia ai a'u e avea ma sui o le komiti faatonu	Ou te le lagolagoina pe ou te auai i polokalame faalauiloa a se vaega faaupufai po o lo'u lagolagoina o se sui faatū i luga o lo'u tulaga o a'u o se sui o le komiti faatonu.
14. Ou te faamalieina tulaga faatonuina faaletulafono ma tulaga faafoeina	Ou te faia galuega e tusa ma tulaga faatonuina faaletulafono ma tulaga faafoeina uma e talafeagai ma matafaioi na faavae ai le komiti faatonu o le aoga (e aofia ai tulaga e avea ai ma pule o le aoga) ma ou te sailia fautuaga ma lagolagosua mo tulaga e tatau ai.
15. Ou te faailoaina ma puleaina feteenaiga o aiā	Ou te faailoaina, faasoaina, taulimaina ma iloiloina i taimi uma mea uma o aiaina. Ou te malamalama lelei i tulaga faatonuina, ma ou tausisia, e tusa ma feteenaiga o aiā uma, e aofia ai tulaga e patino i le komiti faatonu, o le aoga, ma tulaga faatonuina faaletulafono uma.